

Ժողովուրդ

128
(2978)

24 սեպտեմբերի երեքշաբթի 2024
տպագրության ԺԳ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԳԼԽ. ԲԱՐՏՈՒՂԱՐԻ ԳԻՂՈՄԻ ՖՈՆԻՆ «ԼԻՍԵՆՅԻ» ԳԻՄԵՐՏԱՑԻԱՆ ԼՈՒՐՋ ԱՇԽԱՏԱՆՔ ԷՐ



ՀՀ ԿՐԹՈՒԹՅԱՆ, ԳԻՏՈՒԹՅԱՆ,
ՄԱԿԱՌՅՈՒԹՅԱՆ ԵՎ ՄՈՊՐՏԻ ՆԱԽԱՐԱՐՈՒԹՅՈՒՆ



Բացահայտ հանցանք որակված գործին, որն անմիջական առնչություն ունի կրթության, գիտության, մշակույթի եւ սպորտի նախարարության հետ, այդպես էլ պատշաճ պատասխան չեն տալիս:

«Ժողովուրդ» օրաթերթը գրել էր, որ ԱԺ աշխատակազմի ղեկավար Դավիթ Առաքելյանը, նշանակվելով ՀՀ բարձր պաշտոնի, որոշել է նոր մասնագիտություն ձեռք բերել, բայց կրթական ողջ գործընթացը խիստ կասկածահարույց է: Նա պրակտիկա է անցել իր ղեկավարած հիմնարկությունում, ինչը, ըստ մասնագետների, քրեական բնույթի հանցագործություն է: «Ժողովուրդ» օրաթերթը այս առիթով դիմեց ՀՀ ԿԳՄՍ նախարար Ժաննա Անդրեասյանին, որը Նիկոլ Փաշինյանի պաշտոնական այցերին ավելի շատ է լինում, քան տիրապետում է սեփական ոլորտի խնդիրներին: ԿԳՄՍ-ից ստացանք հետևյալ պատասխանը. «Համաձայն «Բարձրագույն եւ հետրուսական մասնագիտական կրթության մասին» օրենքի 6-րդ հոդվածի 1-ին մասի՝ բարձրագույն ուսումնական հաստատությունը իր իրավասությունների եւ ակադեմիական ազատությունների շրջանակում ինքնուրույն է ուսումնական գործընթացի (այդ թվում՝ նաեւ նրա անբաժանելի մասը կազմող պրակտիկաների) կազմակերպման եւ սովորողների ընթացիկ ատեստավորման ձեւերի, կարգի եւ պարբերականության ընտրության հարցերում: Բարձրագույն կրթական ծրագրեր իրականացնող հաստատությունների ուսանողների պրակտիկան կազմակերպվում է տվյալ հաստատության կողմից հաստատված կարգի համաձայն: Հիմք ընդունելով վերոգրյալը՝ անհրաժեշտ է «Տեղեկատվության ազատության մասին» օրենքի համաձայն՝ շերտ հարցումն ուղղել ՀՀ գիտությունների ազգային ակադեմիայի գիտակրթական միջազգային կենտրոն՝ որպես հայցվող տեղեկատվության տնօրինողի», - ասված էր գրությունում: Հետաքրքիրն այն է, որ հենց հարցման մեջ նշել էինք, որ ԳԱԱ-ին եւս դիմել էինք խնդրի վերաբերյալ, սակայն Գիտակրթական միջազգային կենտրոնի ղեկավար Ատոմ Մխիթարյանը մոտ 2 էջ հիմնավորում էր ուղարկել, որ բարձրաստիճան պաշտոնյա Դավիթ Առաքելյանի ուսումնական գործընթացի մասին որեւէ տեղեկություն չի կարող տրամադրել, քանի որ դրանք անձնական տվյալներ են:

ԳԱԱ-ի համար անձնական տվյալ է, ԿԳՄՍ-ի համար՝ անհասանելի. իսկ կրթությունը մեր բոլորի աչքի առջև հեղինակազրկվում է, պղծվում դառնալով անիմաստ ժամանակի կորուստ: Հարցական է՝ բացի դպրոցների դասապրոցերը, դասագրքային ոլորտը «պայթեցնելուց», ժամանա Անդրեասյանի ղեկավարած հաստատությունը որեւէ այլ բանով զբաղվում է: «Նախկինների» օրոք, երբ Սյունիքի մարզպետ Սուրեն Խաչատրյանը Լիսկան, գիրք էր հեղինակում, թեկնածուական պաշտպանում, քննադատվում էր (որ լավ փնտրենք՝ Ժաննա Անդրեասյանն ու իր ամուսինն էլ ծաղրած կլինեն այդ փաստը), հիմա ինչպե՞ս է թույլ տալիս՝ իր նախարար եղած տարիներին պետական պաշտոնյաները պղծեն կրթական համակարգը: Մարդ, որ տարրական գրագիտության պրոբլեմ ունի, ազգային ակադեմիա է ավարտում, իսկ կրթության պատասխանատուն խոր անտարբերության մեջ է:

«Ժողովուրդ» օրաթերթը տեղեկացավ, որ ՀՀ երրորդ նախագահ Սերժ Սարգսյանի քրեական գործով մեղադրող դատախազ Էդգար Արսենյանը Անկախության օրվա առթիվ «Մխիթար Գոշ» մեղալուծ է պարզեցատրվել: Նկատելով, որ նա, չնայած դատարանում վկաների հարցաքննության փուլից է ներգրավվել այդ քրեական գործին, քանի որ Աննա Վարդապետյանը հեռացրել էր համակարգից մեղադրող նախկին դատախազ Արսեն Մարտիրոսյանին, բայց իշխող քաղաքական թիմը, անկախ գործի էլքից, Էդգար Արսենյանին «Մխիթար Գոշ» մեղալուծ է պարզեցատրել: Հիշեցնենք, որ սեպտեմբերի 21-ին՝ Անկախության տոնի 33 ամյակի առթիվ, հանրապետության նախագահի նստավայրում տեղի է ունեցել պարզեցատրման հանդիսավոր արարողություն. Հայաստանի Հանրապետության նախագահ Վահագն Խաչատրյանի հրամանագրերով գլխավոր դատախազության մի շարք աշխատակիցներ պարզեցատրվել են տարբեր մեղալիներով:



Սամվել Բաբայանի «Միասնական հայրենիք»-ը վիժեցրել է Արցախի դեմ Ադրբեջանի հարձակման եւ արցախահայերի էթնիկ զտման օրը՝ սեպտեմբերի 19-ը Ցեղասպանության օր հռչակելու նախաձեռնությունը: «Ժողովուրդ» օրաթերթի տեղեկություններով՝ Արցախյան պատերազմի տարեկիցի նախօրեին՝ սեպտեմբերի 18-ին, Արցախի պատգամավորները փորձել են Արցախի ԱԺ նիստ հրավիրել, իսկ օրակարգային միակ հարցը եղել է սեպտեմբերի 19-ը արցախահայերի դեմ իրականացված ցեղասպանության օր հռչակելը: Սամվել Բաբայանի «Միասնական հայրենիք» կուսակցության խորհրդարանական պատգամավորները, սակայն, նիստին չեն եկել ու քվորում չեն ապահովել, ինչի պատճառով նախաձեռնությունը տապալվել է: «Ժողովուրդ» օրաթերթի հետ զրույցում Արցախի ԱԺ պատգամավոր Դավիթ Գալստյանը հաստատեց մեր տեղեկությունը՝ նշելով. «Անհասկանալի է՝ ինչու այդ խմբակցության պատգամավորները չեն եկել նիստին, պատճառները հայտնի չեն, ընդ որում՝ իրենց պատգամավորներից մեկը նախագծի համահեղինակն է: «Միասնական հայրենիք»-ից միայն ԱԺ փոխնախագահ Գագիկն Բաղդուցն էր ներկա, ով եկել էր նիստը անցկացնելու համար, բայց 17 պատգամավոր չհավաքվեց, քվորում չեղավ», - ներկայացրեց Արցախի ԱԺ պատգամավորը: «Միասնական հայրենիք» խմբակցության պատգամավոր Մարսել Պետրոսյանն էլ մեզ հետ զրույցում ասաց. «Արցախի ԱԺ-ն հիմա ունի 32 պատգամավոր, մեր խմբակցությունը 8 պատգամավոր ունի, իսկ 17 պատգամավորի ներկայության դեպքում կարող էին քվորում ապահովել. ո՞ր էին մյուս պատգամավորները: Իհարկե, կարելի է ամեն ինչ «Միասնական հայրենիքի» վրա բարդել... Թող իրենք հավաքվեն, 17 պատգամավորով քվորում ապահովեն: Ես տեղյակ էլ չեմ եղել, որ նիստ է լինելու, կարող է գանգել են, ես չեմ նկատել», - ասաց նա:



«Ժողովուրդ» օրաթերթին խիստ ուշագրավ հանգամանքներ են հայտնի դարձել օրերս մեծ «շուքով» բացահայտված իշխանության յուրացման իրենց հետ կատարվածի մասին, թե իբր գումարի դիմաց իրենց տարել են վարժանքների, որ «հետո իշխանությանը մաքրեն», պատմել են ԱԺ ԶՊ խմբակցության պատգամավոր Արմեն Խաչատրյանին: Սյունիքի պատգամավոր Խաչատրյանը, լսելով տեղեկությունը, այն հասցրել է ուժային կառույցներին: Ավելին՝ «Ժողովուրդ» օրաթերթին հասած տեղեկությունների համաձայն՝ այն անձինք, ովքեր կատարվածի մասին անձամբ պատմել են ԶՊ պատգամավորին, նրանց խոստացել են քրեական պատասխանատվության չենթարկել, գործերը կարճել: Այս տեղեկությունը «Ժողովուրդ» օրաթերթը փորձեց պարզել ԶՊ-ական պատգամավոր Արմեն Խաչատրյանից, սակայն նա չարձագանքեց մեր զանգերին, եւ երկար ժամանակ է՝ անպատասխան է թողնում մեր նամակները: Հիշեցնենք, որ սեպտեմբերի 18-ին ՀՀ քննչական կոմիտեն հայտնեց, որ Ազգային անվտանգության ծառայության կողմից ձեռնարկված օպերատիվ-հետախուզական միջոցառումների արդյունքում տեղեկություններ են ստացվել՝ մի խումբ անձանց կողմից, նախնական համաձայնությամբ, իշխանությունը յուրացնելու նախապատրաստություն կատարելու մասին:



Շարունակությունը՝ ArmLur.am կայքում:

ԻՐԱՎԻՃԱԿ

ԿԱՐԵՎՈՐՈՒՄ Է ԻՆՔՆՈՐՈՇՄԱՆ ԻՐԱՎՈՒՆՔԻ ԻՐԱՑՈՒՄ

ԿԱՆԱԴԱՆ «ԽՈՍՈՒՄ» Է ՀՕԳՈՒՏ ԱՐՑԱԽԱՐԱՅԵՐԻ

Կանադայի արտաքին գործերի նախարար Մելանի Ջոլին Արգայի հայաքաղաքական առաջին արտասահմանյան ճամբարում հանդես է եկել հասուկ հայաստանյայցիներին: Վերջին օրերում Հայ դասի Կանադայի համահավասարակցող ղառահանգստական ակտիվ հաղորդակցության մեջ է եղել նախարար Ջոլիի հետ: Հայաստանյայցիների մեջ սեղ գտած ձեռնարկները լիովին համադասարանում են Հայ դասի Կանադայի համահավասարակցող ղառահանգստական առաջնահերթություններին:



Եւ կողմերի միջեւ երկխոսության եւ վստահության ամրապնդման միջոցառումների շարունակմանը՝ այս տարածաշրջանի ժողովրդի համար արդար եւ տեսական խաղաղության համար: Կանադան բազմիցս կոչ է արել անվերապահորեն ազատել 2020 թ. Ղարաբաղյան պատերազմի բոլոր հայ ռազմագերիներին: Մենք նաեւ շարունակում ենք կոչ անել ազատ արձակել Ադրբեյջանից կամայականորեն ձերբակալված բոլոր էթնիկ հայերին: Կանադան աջակցում է Լեռնային Ղարաբաղի հիմնախնդրի բանակցային քաղաքական լուծմանը եւ աջակցում է ուժի չկիրառման, տարածքային ամբողջականության հարգման սկզբունքներին եւ ինքնորոշման իրավունքին՝ այս տարածաշրջանի ժողովրդի համար արդար եւ տեսական խաղաղության հասնելու բանակցություններում: Սա պետք է ենթադրի հայ խաղաղ բնակիչների վերադարձի անվտանգ եւ արժանապատիվ իրավունքը, երաշխավորի մարդու իրավունքների եւ քաղաքացիական կենսամիջոցների պաշտպանությունը եւ տարածքում հայկական մշակութային ու պատմական վայրերի պահպանումը: Հայ դասի Կանադայի հանձնախումբը շարունակելու է աշխատանքները Կանադայի ինչպես գործադիր, այնպես էլ օրենսդիր իշխանության ներկայացուցիչների հետ՝ ղարաբաղյան հիմնախնդրի ներկա հանգրվանի շուրջ կանադական կողմի օբյեկտիվ դիրքորոշումները պահպանելու եւ զարգացնելու ուղղությամբ: **ՀՅԴ Բյուրոյի Հայ դասի կենտրոնական գրասենյակ**

ԹՐԱՄՓԸ ՊԱՐՏՎԵԼՈՒ ԳԵՊՔՈՒՄ ՉԻ ԱՌԱՋԱԳԻՎԻ

ԱՄՆ հանրապետական կուսակցության նախագահի թեկնածու Դոնալդ Թրամփը հայտարարել է, որ եթե պարտվի նոյեմբերի 5-ին կայանալիք ընտրություններում, ապա այլեւս չի առաջադրվի այդ պաշտոնի համար: Այս մասին նա հայտնել է Շերիլ Աթկինսոնի Full Measure հաղորդման ժամանակ: Հաղորդավարուհին 78-ամյա նախկին նախագահին հարցրել է՝ արդյոք նա չորս տարուց և ավելի կայացարի Սպիտակ տան դեկլարարի պաշտոնի համար, եթե երրորդ ընտրապայքարում հաջողության չհասնի: «Ոչ: Կարծում եմ սա կլինի վերջինը... Հուսանք, որ մենք հաջողության կհասնենք», - ասել է Թրամփը: Դոնալդ Թրամփը եւ դեմոկրատների թեկնածու Ժամայա Հարրիսը գրեթե հավասար շանսեր ունեն հաղթելու:

ԵՐԿԻՐԸ ԼՔԵԼՈՒ ԿՈՉ

ԱՄՆ Պետդեպարտամենտը Իսրայելի եւ Լիբանանի «Հեզբոլլահ» շարժման միջեւ հակամարտության սրման պատճառով շաբաթ օրը Լիբանանում գտնվող ամերիկացիներին կոչ է արել լքել երկիրը, քանի դեռ կոմերցիոն թռիչքների հնարավորություններ կան: ««Հեզբոլլահի» եւ Իսրայելի միջեւ շարունակվող հակամարտության անկանխատեսելի բնույթի եւ Լիբանանում, ներառյալ՝ Բեյրութում տեղի ունեցած վերջին պայթյունների պատճառով, ԱՄՆ դեսպանությունը կոչ է անում ԱՄՆ քաղաքացիներին լքել Լիբանանը, քանի դեռ կոմերցիոն թռիչքների տարբերակներ կան», - ասվում է ԱՄՆ Պետդեպարտամենտի թարմացված ուղեցույցում: Գերատեսչությունից հայտնել են, որ ներկայումս գործում են կոմերցիոն թռիչքներ, բայց սահմանափակ տարողությամբ: «Եթե անվտանգության իրավիճակը վատթարանա, կոմերցիոն թռիչքների տարբերակները կարող են անհասանելի դառնալ», - ասվում է հաղորդման մեջ:

ԵՌՕՐՅԱ ՍՈՒԳ

Իրանի Հարավային Խորասան նահանգում 3-օրյա սուգ է հայտարարվել ածխահանքում գազի պայթյունի հետևանքով 52 հանքավորի զոհվելուց հետո, հայտնում է Mehr գործակալությունը: Հայտնի է, որ Հարավային Խորասանի Թաբաս քաղաքի ածխահանքում մեթան գազի պայթյունը տեղի է ունեցել կիրակի երեկոյան՝ տեղական ժամանակով ժամը 21:00-ի սահմանում Madanjo ընկերության հանքավայրում՝ ազդելով երկու բլոկի՝ B եւ C-ի վրա, որտեղ աշխատում էր 69 մարդ: Մեկ ժամ առաջ ավարտվել են փրկարարական աշխատանքները B բլոկում, որտեղ աշխատող 47 մարդուց 30-ը զիջվել են, 17-ը՝ վիրավորվել: C բլոկում, որտեղ արգելափակված էր 22 բանվոր, բոլորը մահացել են: Ածխահանքը գտնվում է գետնի տակ 250 մետր խորության վրա եւ ունի 700 մետր երկարություն: Թաբասի ածխահանքը, որն ունի ավելի քան 30,000 քառակուսի կիլոմետր տարածք, Իրանի ամենամեծ եւ ամենահարուստ ածխային շրջանն է:

ՕՐՎԱ ԽՃԱՆԿԱՐ

ՊԱՅՔԱՐԸ ՎԵՐՄԿՄՎՈՒՄ Է ՀՈԿՏԵՄԲԵՐԻ 2-ԻՆ

Մեր պայքարի ակտիվ շրջանը վերսկսում ենք, հոկտեմբերի 2-ին՝ ժամը 18:30-ին, հավաքվում ենք Հանրապետության հրապարակում: Այս մասին մարզահամերգային համալիրում մեկնարկած Սրբազան պայքարի հավաքի ժամանակ հայտարարել է Բագրատ Սրբազանը, ինչպես նաեւ էլնք՝ Բագրատ Սրբազանը հայտարարել է՝ «Մտնում ենք պայքարի ինտենսիվ եւ հետեւողական փուլ, համառ, աննահանջ, համբերատար պայքարի փուլ՝ հաղթանակով երաշխավորված: Բոլոր անհաջողությունները, թերացումներն ու սխալներն իմն են, բացառապես իմը, իսկ հաղթանակը՝ ձերը եւ միայն ձերը», - հայտարարել է նա: «Հայաստանը պետք է լեգիտիմ իշխանություն ունենա, որը հանդես կգա երկրի ազգային եւ պետական շահերի դիրքերից: Պետք է ձեռնադրենք նոր իշխանություն՝ ըստ արժանիքների, դառնալով հաջողության եւ բոլոր ունակների կառավարություն: Պետք է վերացվեն այս իշխանության կողմից հանրության ներսում ստեղծված

պետության եւ հասարակության դիմադրողականությունը քայքայող բաժանարար գծերը: Մենք կարող ենք եւ կոչված ենք վերականգնելու մեր ազգային համերաշխությունը», - հայտարարել է նա:

ՈՎՔԵՐ ԵՆ ԱՄՆ ՄԵԿՆԵԼ ՓԱՇԻՆՅԱՆԻ ՀԵՏ

«Ժողովուրդ» օրաթերթը ՀՀ Կառավարությունից տեղեկացավ, որ ՀՀ վարչապետ Նիկոլ Փաշինյանի հետ սեպտեմբերի 22-27-ն Ամերիկայի Միացյալ Նահանգներում կգտնվեն նաեւ՝ Հայաստանի Հանրապետության վարչապետի տիկին Ա. Հակոբյանը, ՀՀ առողջապահության նախարար Ա. Ավանեսյանը, Ամերիկայի Միացյալ Նահանգներում Հայաստանի Հանրապետության արտակարգ եւ լիազոր դեսպան Լ. Մակունցը, ՄԱԿ-ում Հայաստանի Հանրապետության մշտական ներկայացուցիչ Մ. Մարգարյանը, ՀՀ վարչապետի մամուլի քարտուղար՝ Ն. Բաղդասարյանը,

ՀՀ արտաքին գործերի նախարարության պետական արարողակարգի ծառայության պետ Գ. Վանոյանը, ՀՀ վարչապետի աշխատակազմի արտաքին կապերի վարչության պետ՝ Կ. Գասպարյանը, ՀՀ վարչապետի աշխատակազմի տեղեկատվության եւ հասարակայնության հետ կապերի վարչության պետ Ա. Խաչատրյանը, ՀՀ վարչապետի աշխատակազմի արարողակարգի բաժնի արարողակարգային միջոցառումների պատասխանատու Ա. Մելքոնյանը, «Իմ քայլը» հիմնադրամի փոխնախագահ (համաձայնությամբ) Թ. Թերքմանը, «Իմ քայլը» հիմնադրամի սոցիալական մեդիայի պատասխանատու Ա. Ասիլյանը, Թարգմանիչ Գ. Կալոշյանը, ՀՀ վարչապետի աշխատակազմի տեղեկատվության եւ հասարակայնության հետ կապերի վարչության օպերատոր Ա. Աբրահամյանը, ՀՀ վարչապետի աշխատակազմի տեղեկատվության եւ հասարակայնության հետ կապերի վարչության օպերատոր Ա. Շահինյանը, ՀՀ վարչապետի աշխատակազմի տեղեկատվության եւ հասարակայնության հետ կապերի վարչության լուսանկարիչ Տ. Մեհրաբյանը: **ՀԱՍՏ ՄԻՔԱՅԵԼՅԱՆ**

ԶԱՆԳԱՅԱԴՐԵԼ ԵՆ ՆԱԽԿԻՆ ՓՈԽՎԱՐՉԱՊԵՏԻՆ

«ՄԱՐՏԻ 1-Ի» ԳՈՐԾՈՎ ԴԱՏԱՎԱՐՈՒԹՅՈՒՆԸ

«Մարտի 1»-ի վերաբերյալ գործով Հակակոռուպցիոն դատարանում երեկ նիստ էր քննարկում: ՀՀ երկրորդ նախագահ Ռոբերտ Քոչարյանը չէր ներկայացել դատարան. դատավոր Մարգիս Պետրոսյանը հայցնեց, որ դատարանը չի կարողանում զսնել Ռոբերտ Քոչարյանին եւ զանգահարել եւ ՀՀ նախկին փոխվարչապետ Արմեն Գեւորգյանին:



«Ժողովուրդ» օրաթերթը գրել էր, որ ՀՀ երկրորդ նախագահ Ռոբերտ Քոչարյանը, ՀԱԳԿ նախկին քարտուղար Յուրի Խաչատուրովը, ՀՀ ՊՆ նախկին նախարար Սեյրան Օհանյանը, ՀՀ նախկին փոխվարչապետ Արմեն Գեւորգյանը երկուշաբթի վաղ առավոտյան պետք է ներկայանան Հակակոռուպցիոն դատարան:

Ինչպես հայտնել էինք՝ Վճռաբեկ դատարանի հակակոռուպցիոն պալատը բեկանել էր ՀՀ երկրորդ նախագահ Ռոբերտ Քոչարյանի, ԶՈՒ ԳԾ նախկին պետ, ՀԱԳԿ նախկին քարտուղար Յուրի Խաչատուրովի, ՀՀ ՊՆ նախկին նախարար Սեյրան Օհանյանի, ՀՀ նախկին փոխվարչապետ Արմեն Գեւորգյանի վերաբերյալ քրեական գործը կարճելու մասին Երեւանի ընդհանուր իրավասության դատարանի դատավոր Աննա Ռանիբեկյանի 2021թ. որոշումը: Վճռաբեկ դատարանի կայքի համաձայն՝ սեպտեմբերի 12-ին Վճռաբեկ դատարանի հակակոռուպցիոն պալատը բավարարել է ՀՀ նախկին գլխավոր դատախազ Արթուր Դավթյանի բողոքը՝ բեկանելով դատական ակտը եւ ուղարկելով գործը Նոր քննության՝ Հակակոռուպցիոն դատարան:

Հիշեցնենք, որ 2008թ. մարտի 1-ի իրադարձություններին առնչվող՝ սահմանադրական կարգի տապալման գործով մեղադրյալի կարգավիճակում էին ՀՀ երկրորդ նախագահ Ռոբերտ Քոչարյանը, ՀՀ ԶՈՒ նախկին գլխավոր շտաբի

պետ, ՀԱԳԿ նախկին գլխավոր քարտուղար Յուրի Խաչատուրովը, ՀՀ պաշտպանության նախկին նախարար Սեյրան Օհանյանը եւ ՀՀ նախկին փոխվարչապետ Արմեն Գեւորգյանը: Յուրի Խաչատուրովը եւ Սեյրան Օհանյանը մեղադրվում էին սահմանադրական կարգը տապալելու համար, Ռոբերտ Քոչարյանը՝ ՀՀ սահմանադրական կարգը տապալելու եւ առանձնապես խոշոր չափերով կաշառք ստանալու, իսկ Արմեն Գեւորգյանը՝ ՀՀ սահմանադրական կարգը տապալելուն օժանդակելու, առանձնապես խոշոր չափերով կաշառք ստանալու եւ հանցավոր ճանապարհով ստացված գույքն օրինականացնելու համար:

ՍԴ-ի կողմից՝ 2021թ. մարտի 26-ին ՀՀ Քրեական օրենսգրքի (2003թ.) 300,1-րդ հոդվածը Սահմանադրության 78-րդ եւ 79-րդ հոդվածներին հակասող եւ անվավեր ճանաչելուց հետո՝ Երեւանի ընդհանուր իրավասության դատարանը դատավոր Աննա Ռանիբեկյանի նախագահությամբ, սահմանադրական կարգի տապալման դրվագով կարճել էր քրեական գործը եւ դադարեցրել քրեական հետապնդումը՝ հանցագործի բացակայության հիմքով, թեեւ դատախազները պահանջում էին վերադարձնել արարքը: Դատարանի խորհրդակցական սեսյակ հեռանալը փոխելով ամբաստանյալին առաջադրված մեղադրանքը մեղադրյալի արարքում քրեական օրենքով նախատեսված այլ արարքի հատկանիշների առկայության պարագայում՝ անկախ դատական քննության ընթացքում ապացույցների հետազոտումից:

ՔՐԵԱՎԱԿԱՆ ՔՐՈՆՏԻԿՈՆ

ՀԵՐԹԱԿԱՆ ԿԱԼԱՆԱՎՈՐՎԱԾԸ՝ ԻՇԽԱՆՈՒԹՅԱՆ ԶԱՎԹՄԱՆ ԳՈՐԾՈՎ

«Ժողովուրդ» օրաթերթին փաստաբան Ռոման Երիցյանը հայտնեց. «Ստանձնել են Սերոբ Գասպարյանի հետ մեկտեղ իշխանության գավթման նախապատրաստության մեջ մեղադրվող, արցախյան քառասունչորսօրյա եւ քառօրյա պատերազմների ակտիվ մասնակից արցախցի Արմեն Մնացականյանի շահերի պաշտպանությունը: Հարազատների խնդրանքով ընդամենը իրազեկում են, որ վերջինս Ռոստոմից Հայաստան էր ժամանել իր հարազատ եղբորորդու գոհվելու տարելիցին մասնակցելու նպատակով:

րի համաձայն՝ ԱԾԾ-ի կողմից իշխանությունը յուրացնելու նախապատրաստության գործով կալանավորված անձանցից մեկն ԱԾ նախկին պատգամավոր Ռուստամ Գասպարյանի եղբայրն է՝ Սերոբ Գասպարյանը:

Նշենք, որ ԱԾ նախկին պատգամավոր Ռուստամ Գասպարյանը եւ նրա որդին գոհվել են հանուն հայրենիքի մղված մարտերում: Այս ցավալի եւ ողբերգական դեպքից հետո նրա եղբայրը՝ Սերոբ Գասպարյանը, պարբերաբար հարցազրույցներ է տալիս լրատվամիջոցներին եւ խոսում ընդդեմ իշխանության:

Հիշեցնենք, որ Հայաստանի Հանրապետության Ազգային անվտանգության ծառայության կողմից տեղեկություններ են ստացվել, որ մի խումբ անձանց կողմից նախնական համաձայնությամբ, իշխանությունը յուրացնելու նախապատրաստություն կատարելու մասին: Նախաձեռնվել է քրեական վարույթ:

Միաժամանակ իրազեկում են, որ Արմեն Մնացականյանի հետ ապօրինի, խայտառակաբար եւ բռնի կերպով ձերբակալված նրա ընտանիքի անդամներն ու հարազատները նույն օրն ազատ են արձակվել: Ինչ վերաբերում է Արմեն Մնացականյանին կալանավորելու որոշմանը, ապա այդ կապակցությամբ հանդես կգամ լրացուցիչ հայտարարությամբ:

Բավարար փաստական տվյալներ են ստացվել այն մասին, որ ՀՀ քաղաքացիներ Ս.Գ.-ն, Ա.Ե.-ն, Ա.Գ.-ն, Ե.Ս.-ն, Ա.Ս.-ն, ինչպես նաեւ Լեռնային Ղարաբաղի նախկին բնակիչներ Ա.Ս.-ն Ա.Ս.-ն, ինքնուրույնները դեռեւս չպարզաբանված այլ անձանց հետ նախնական համաձայնությամբ, խմբի կազմում, կատարել են իշխանությունը յուրացնելու նախապատրաստություն, այն է՝ դիտավորյալմբ ստեղծել են Հայաստանի Հանրապետության իշխանությունը գավթելու՝ բռնություն գործադրելու եւ բռնություն գործադրելու սպառնալիքի միջոցով ՀՀ կառավարության լիազորություններին տիրանալու համար պայմաններ:

Հիշեցնենք՝ «Ժողովուրդ» օրաթերթը գրել էր, որ իրեն հասած տեղեկությունները

● Ըստ ոստիկանության տվյալների՝ սեպտեմբերի 20-ից 23-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 193 դեպք, որից 2-ը՝ նախկինում կատարված:

ԸՆԹԱՑԻԿ

ՊԵՆ-Ը ԶԳՈՒՇԱՑՆՈՒՄ Է

Պետական եկամուտների կոմիտեն Հայաստան ժամանող քաղաքացիներին հորդորում է Հայաստանի Հանրապետություն տեղափոխել միայն իրենց կողմից ձեռքբերված եւ իրենց պատկանող Apple ապրանքանիշի Նոր iPhone 16 մոդելի բջջային հեռախոսներ:

Անհրաժեշտ է հրաժարվել այլ երկրների օդանավակայաններում բջջային հեռախոս տեղափոխելու առաջարկ անող քաղաքացիների խնդրանքներից, քանի որ վերջիններս եւ (կամ) իրենց՝ Հայաստանի Հանրապետությունում բնակվող ծանոթներն իրականացնում են քողարկված ձեռնարկատիրական գործունեություն, որում աննուղակի եղանակով կարող են ներգրավվել նաեւ Ձեզ:

Փորձը ցույց է տալիս, որ հանգստի մեկնած քաղաքացիները, որոշ դեպքերում չկարողանալով մերժել այլ երկրների օդանավակայաններում իրենց մոտեցող հայրենակիցների խնդրանքները, իրենց հետ Հայաստանի Հանրապետություն են ներմուծում բջջային հեռախոսներ, այնուհետեւ փոխանցում իրենց անձանթ այլ անձանց:

Միաժամանակ, կոմիտեն հայտնում է, որ մաքսային ծառայությունը, նշված հանգամանքով պայմանավորված, իրականացնելու է ուժեղացված մաքսային հսկողություն՝ զարտուղի ճանապարհներով առևտրային նշանակության բջջային հեռախոսների Հայաստանի Հանրապետություն տեղափոխումը կանխարգելելու նպատակով:

ԵԶՐԱԿԱՅՈՒԹՅՈՒՆ

Հայաստանի Հանրապետության քննչական կոմիտեում ավարտվել է 2024թ. փետրվարի 24-ին զինծառայող Ավագ Զաքարյանի մահվան դեպքի առթիվ նախաձեռնված քրեական վարույթի նախաքննությունը:

Փաստերով հիմնավորվել է, որ նշված օրը՝ ժամը 17:55-ի սահմաններում, ՀՀ հյուսիսարեւելյան սահմանագծին տեղակայված մարտական դիրքում՝ խրամուղում, անձնական հարցերի շուրջ վիճաբանություն եւ քաջքոց է առաջացել մարտական հերթապահության մեջ ընդգրկված զինծառայող, շարքային Ա.Պ.-ի եւ շարքային Ա. Զաքարյանի միջեւ:

Դրա ընթացքում Ա.Պ.-ն լիցքավորել է իրեն ամրակցված ԿԶԳ տեսակի գնդացիք եւ նշան բռնելով Ա. Զաքարյանի վրա՝ մենահատ կրակոց է արձակել վերջինիս ուղղությամբ: Ստացած հրազենային վիրավորումից զինհուսպիտալ տեղափոխելու ճանապարհին՝ ժամը 18:05-ից-18:10-ի սահմաններում, Ա. Զաքարյանը մահացել է:

Զինծառայող Ա.Պ.-ին մեղադրանք է ներկայացվել՝ Հայաստանի Հանրապետության քրեական օրենսգրքի 155-րդ հոդվածի 1-ին մասով:

Քրեական վարույթի նյութերը մեղադրական եզրակացությամբ ուղարկվել են հսկող դատախազին՝ դատարան ուղարկելու հարցը քննարկելու համար:



Էջը՝ ԱՆՎԱՐԴ ԿՈՇԿԱԿԱՐՅԱՆԻ

ՍՈՑԻԱԼԱԿԱՆ

ՀԱՐՑ. Ինչո՞ւն է կարելի է փոխել սոցիալական փաթեթի հաշիվը: Խնդրում եմ ներկայացնել մանրամասն:

Իռա Գրիգորյան (49 տարեկան)



ՊԱՏԱՍԽԱՆ. Տեղեկացնում ենք, որ յուրաքանչյուր բյուջետային տարվա սոցիալական փաթեթի գումարների փոխանցման համար լրացվում է նոր դիմում: Սոցիալական փաթեթի հաշիվը կարելի է փոխել միայն նոր բյուջետային տարում՝ նախքան սոցիալական փաթեթի ընթացիկ տարվա առաջին գումարի փոխանցումը: Այս դեպքում աշխատող դիմումի հետ միասին ներկայացնում է նոր բանկի կողմից տրված սոցիալաֆթեթի հաշվի մասին տեղեկանք, ինչպես նաև սոցիալաֆթեթի նախկին հաշիվը սպասարկող բանկից տեղեկանք՝ պարտավորություններ չունենալու վերաբերյալ:

Հայտնում ենք, որ սոցիալական փաթեթի հաշիվը փոխելու դեպքում աշխատողն իր հաշվի դրամական միջոցները սոցիալաֆթեթի հաշիվը սպասարկող նախկին բանկից սոցիալաֆթեթի հաշիվը սպասարկող նոր բանկ փոխանցելու համար նախկին բանկ է ներկայացնում նոր բանկի կողմից տրված սոցիալաֆթեթի հաշվի մասին տեղեկանք: Այդ տեղեկանքի հիման վրա սոցիալաֆթեթի հաշիվը սպասարկող նախկին բանկն աշխատողի սոցիալաֆթեթի հաշվում առկա դրամական միջոցները փոխանցում է սոցիալաֆթեթի հաշիվը սպասարկող նոր բանկի սոցիալաֆթեթի հաշվին:

Կենսաթոշակային համակարգի իրազեկման կենտրոն

«ԺՈՂՎՈՐԳ». Սոցիալական փաթեթի հաշվում առկա դրամական միջոցները հնարավոր է կանխիկացնել կամ փոխանցել ցանկացած ուղղություններով միայն աշխատողի կենսաթոշակ ստանալու իրավունք ունենալու եւ սոցիալական փաթեթից օգտվելու իրավունքի դադարեցման ժամանակ կամ աշխատողի մահվան դեպքում ժառանգի կողմից սոցիալաֆթեթի հաշվում առկա միջոցներն օրենքին համապատասխան ժառանգաբար նրան անցնելու դեպքում:

ԿԱՐԳ

ՀԱՐՑ. Անճարձ գույքի նկատմամբ գրանցված իրավունքների վերաբերյալ վկայականը կորցնելուց հետո սրամադրվո՞ւմ է արդյո՞ք դրա կրկնօրինակը: Սարգիս Ստեփանյան (42 տարեկան)



ՊԱՏԱՍԽԱՆ. 2019 թվականի հուլիսի 1-ից հետո վկայականի կրկնօրինակ չի տրամադրվում, այլ վկայականը փոխարինվում է նոր գրանցման վկայականով՝ պետական գրանցման իրական ամսաթվի վերաբերյալ նշումով:

ՀՀ կադաստրի կոմիտե

«ԺՈՂՎՈՐԳ». Ընդ որում՝ մինչև 2019 թվականի հուլիսի 1-ը տրամադրված գրանցման վկայականը նոր գրանցման վկայականով փոխարինվում է դրա համար դիմումը «Գույքի նկատմամբ իրավունքների պետական գրանցման մասին» ՀՀ օրենքով սահմանված կարգով ներկայացվելու օրվանից 2-րդ աշխատանքային օրը, որի համար վճար չի գանձվում:

ՏԵՂԵԿԱՅՎԱԾ

ԼՈՒՐ ԿԱԴՐ

Լուսանկարը՝ համացանցից



Հայաստանի շախմատի կանանց ընտրանու անդամները՝ Էլինա Դանիելյանը եւ Աննա Սարգսյանն առանձին մեդալներ են սկսել շախմատի համաշխարհային Օլիմպիադայում: Էլինա Դանիելյանը 10 հնարավորից վաստակել է 7.5 միավոր եւ 3-րդ խաղատախտակի վրա նվաճել բրոնզե մեդալ: Աննա Սարգսյանը 10 հնարավորից վաստակել է 8 միավոր եւ 4-րդ խաղատախտակի վրա նվաճել բրոնզե մեդալ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայկուստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎԱՐԴ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդադարաւանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Ծիրակ	+8 + 11 +24 + 29	Արարատ	+17 + 20 +33 + 35
Կոտայքի լեռներ	+8 + 11 +25 + 29	Արմավիր	+15 + 18 +33 + 35
Կոտայքի նախալեռներ	+16 + 18 +29 + 30	Վայոց ձորի լեռներ	+9 + 11 +25 + 27
Գեղարքունիք	+9 + 11 +23 + 28	Վայոց ձորի նախալեռներ	+17 + 20 +32 + 35
Լոռի	+9 + 14 +23 + 27	Սյունիքի հովիտներ	+17 + 21 +33 + 35
Տավուշ	+12 + 17 +27 + 30	Սյունիքի նախալեռներ	+14 + 17 +29 + 32
Արագածոտնի լեռներ	+9 + 12 +23 + 27	ԼՂՀ	+13 + 16 +27 + 31
Արագածոտնի նախալեռներ	+15 + 18 +27 + 31	Երեւան	+24 + 26 +30 + 32

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արշակունյաց 2, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 23.9.2024
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը: «Շարունակությունը կարող էք կարդալ «Ժողովուրդ» օրաթերթի այսօրվա համարում»: